

Na osnovu člana 20a. Zakona o radu ("Službene novine Federacije BiH", broj: 26/16, 89/18, 44/22 i 39/24), člana 4. Uredbe o postupku prijema u radni odnos u javnom sektoru u Federaciji Bosne i Hercegovine („Službene novine Federacije BiH“, broj: 13/19, 9/21 i 53/21), člana 6. Pravilnika o radu, člana 5. Pravilnika o postupku prijema u radni odnos u Javnoj zdravstvenoj ustanovi Univerzitetski klinički centar Tuzla i Odluke o potrebi prijema u radni odnos broj: 03-671/26 od 09.07.2026. godine, Javna zdravstvena ustanova Univerzitetski klinički centar Tuzla raspisuje

JAVNI OGLAS **za prijem radnika u radni odnos na neodređeno vrijeme**

I

Javna zdravstvena ustanova Univerzitetski klinički centar Tuzla, sa sjedištem u Tuzli, ulica Trnovac bb (u daljem tekstu: JZU UKC Tuzla), vrši prijem u radni odnos ukupno 32 radnika.

II

Prijem u radni odnos radnika vrši se na neodređeno vrijeme, uz probni rad u trajanju od tri mjeseca za radna mjesta sa VSS, a trideset dana za radna mjesta sa SSS, VKV, KV i NK i to na sljedeća radna mjesta:

1. Doktor medicine - specijalista na Klinici za invazivnu kardiologiju - Odjeljenje za interventnu kardiologiju - 1 izvršilac,
2. Laboratorijski tehničar na Poliklinici za laboratorijsku dijagnostiku - Odjeljenje za kliničku imunologiju - 1 izvršilac,
3. Vodoinstalater (sa VKV) u Sektoru za tehničke poslove - Služba mašinstva - 1 izvršilac;
4. Vodoinstalater (sa KV) u Sektoru za tehničke poslove - Služba mašinstva - 1 izvršilac;
5. Kuhar u Sektoru za tehničke poslove - Servis za ishranu - 4 izvršioca;
6. Pomoćni kuhar u Sektoru za tehničke poslove - Servis za ishranu - 2 izvršioca;
7. Radnik na transportu hrane u Sektoru za tehničke poslove - Servis za ishranu - 2 izvršioca;
8. Pomoćni radnik u Sektoru za tehničke poslove - Služba za investicije i investiciono održavanje - 5 izvršilaca;
9. Servirka u Sektoru za tehničke poslove - Servis za ishranu - 5 izvršilaca;
10. Spremačica u Sektoru za higijensko - epidemiološki nadzor - Služba za održavanje higijene - 5 izvršilaca;
11. Perač veša u Sektoru za higijensko - epidemiološki nadzor - Servis za pranje veša - 5 izvršilaca.

III

Kratki opisi poslova:

1. Doktor medicine – specijalista na Klinici za invazivnu kardiologiju - Odjeljenje za interventnu kardiologiju

Prijem bolesnika (specijalistički pregled prvi i kontrolni); planiranje dijagnostičkih i terapijskih postupaka; praćenje razvoja bolesti; sprovođenje odgovarajućih dijagnostičkih i terapijskih postupaka; učešće u vizitama; učešće u radu konzilijuma i drugih timova koji se obrazuju na klinici i u Ustanovi; praćenje uspješnosti dijagnostičkih i terapijskih postupaka; vođenje medicinske dokumentacije i propisanih evidencija; premještaj i otpust bolesnika; redovno informisanje bolesnika, davanje stručnih savjeta i preporuka za dalji tretman bolesniku i njegovateljima; davanje stručnog mišljenja po službenim zahtjevima; davanje uputa i mišljenja primarnoj zdravstvenoj zaštiti i ostalim zdravstvenim ustanovama u vezi sa upućivanjem i tretmanom bolesnika.

2. Laboratorijski tehničar na Poliklinici za laboratorijsku dijagnostiku - Odjeljenje za kliničku imunologiju

Uzimanje i sortiranje biološkog materijala po vrstama traženih analiza; izvođenje mikrobioloških analiza (spravljanje i mikroskopiranje preparata, zasijavanje mikrobiološkog materijala na podloge); učestvovanje u izvođenju testova biohemijske, serološke i genske identifikacije mikroorganizama, testova serotipizacije, fagotipizacije, ispitivanja osjetljivosti mikroorganizama na antibiotike i hemioterapijska sredstva; učestvovanje u provođenju molekularno-bioloških metoda; učestvovanje u izvođenju analiza namirnica, vode i predmeta za ličnu i opštu upotrebu; izvođenje bakterioloških, parazitoloških i seroloških procedura; izvođenje analiza stolice, sekreta i eksreta; pripremanje i obrada kultura ćelija; priprema reagensa i mikrobioloških podloga; vođenje medicinske i druge dokumentacije.

3. Vodoinstalater (sa VKV) u Sektoru za tehničke poslove - Služba mašinstva

Obavljanje složenijih poslova u pripremi, montiranju i održavanju cijevi i drugih uređaja za snabdijevanje vodom i oticanje otpadnih voda i sanitarnih uređaja; zamjena dotrajalih i ugradnja novih sanitarnih uređaja; po potrebi čišćenja kanizacionih cijevi i šahtova.

4. Vodoinstalater (sa KV) u Sektoru za tehničke poslove - Služba mašinstva

Obavljanje poslova u pripremi, montiranju i održavanju cijevi i drugih uređaja za snabdijevanje vodom i oticanje otpadnih voda i sanitarnih uređaja; zamjena dotrajalih i ugradnja novih sanitarnih uređaja; po potrebi čišćenja kanizacionih cijevi i šahtova.

5. Kuhar u Sektoru za tehničke poslove - Servis za ishranu

Asistiranje u pripremi i priprema svih vrsta obroka; distribucija pripremljenih obroka; davanje uputa za rad ostalom osoblju; trebovanje potrebnog materijala za rad.

6. Pomoćni kuhar u Sektoru za tehničke poslove - Servis za ishranu

Podjela gotovih obroka bolesnicima; prikupljanje prljavog posuđa; pranje kuhinjskog i drugog posuđa; pranje i priprema svih vrsta namirnica za dalju obradu; prijem i podjela hljeba po dostavljenom obračunu dijetetičara; pranje i dezinfekcija svih radnih površina izuzev podova; odvoz otpadaka.

7. Radnik na transportu hrane u Sektoru za tehničke poslove - Servis za ishranu

Dostava pripremljenih obroka na dislocirane klinike; utovar, istovar i predaja pripremljenih obroka servirkama uz prisustvo odgovornog lica klinike; vođenje evidencije o vrsti predatih obroka; odgovornost za higijensku ispravnost dostavnog vozila.

8. Pomoćni radnik u Sektoru za tehničke poslove - Služba za investicije i investiciono održavanje

Za potrebe svih organizacionih jedinica: poslovi pakovanja robe (namještaj, mašine, aparati, alati i ostali tereti) koja će se prenositi, utovar i istovar robe iz prevoznih sredstava, prenos robe, slaganje robe; obavljanje svih poslova vezanih za uređenje i održavanje zelenih površina, te objekata niskogradnje (staze i ceste) koji su sastavni dio hortikulturnog uređenja; učešće u proizvodnji i razmnožavanju dendrološkog materijala; poslovi skraćivanja, orezivanja, đubrenja, zalijevanja i održavanja biljaka u toku vegetacije i u periodu mirovanja, učešće u zaštiti bilja od štetočina i bolesti; vršenje manje složenih popravki.

9. Servirka u Sektoru za tehničke poslove - Servis za ishranu

Serviranje pripremljenih obroka; sakupljanje, pranje i dezinfekcija posuđa i termos kanti; staranje o inventaru i njegovoj čistoći; održavanje higijene trpezarije i drugih prostora u kojima se servira hrana; sakupljanje i odvoz hrane i posuđa; pranje i priprema svih vrsta namirnica za dalju obradu; pranje i dezinfekcija svih radnih površina izuzev podova.

10. Spremačica u Sektoru za higijensko-epidemiološki nadzor - Služba za održavanje higijene

Održavanja čistoće prostora, prostorija i opreme; izvještavanje o potrebi nabavke sredstava za čišćenje (posude, krpe, deterdžent i sl.); briga za održavanje sredstava za čišćenje; prikupljanje prljavog veša; distribucija čistog veša.

11. Perač veša u Sektoru za higijensko - epidemiološki nadzor - Servis za pranje veša

Evidentiranje veša koji se dostavlja na pranje; klasiranje, priprema i kontrola prljavog veša za pranje; pripremanje i punjenje mašina za pranje; praćenje rada mašina za pranje, praćenje potrošnje deterdženta; vađenje čistog veša iz mašina; klasiranje, priprema i kontrola čistog veša za sušenje i peglanje; pripremanje i rad sa mašinama za sušenje i peglanje; praćenje rada mašina za peglanje i sušenje; rad na sušionicima; priprema i kontrola opranog i ispeglanog veša; izdavanje čistog veša; održavanje higijene radnog prostora i sredstava za rad.

IV

Opći uslovi:

Svi kandidati trebaju ispunjavati sljedeće opće uslove:

- da su državljani Bosne i Hercegovine,
- da imaju najmanje 18 godina života,
- da su zdravstveno sposobni za obavljanje poslova za koje se prijavljuju.

Posebni uslovi:

Kandidati koji se prijavljuju **na radno mjesto pod rednim brojem 1. Doktor medicine - specijalista na Klinici za invazivnu kardiologiju - Odjeljenje za interventnu kardiologiju** trebaju ispunjavati sljedeće posebne uslove:

- da imaju završen medicinski fakultet,
- da su specijalisti interne medicine/opće interne medicine/kardiologije,
- da posjeduju licencu za samostalan rad izdatu od strane nadležne komore.

Kandidati koji se prijavljuju **na radno mjesto pod rednim brojem 2. Laboratorijski tehničar na Poliklinici za laboratorijsku dijagnostiku - Odjeljenje za kliničku imunologiju** trebaju ispunjavati sljedeće posebne uslove:

- da imaju završenu srednju medicinsku školu - laboratorijski smjer,
- da posjeduju licencu za samostalan rad izdatu od strane nadležne komore.

Kandidati koji se prijavljuju **na radno mjesto pod rednim brojem 3. Vodoinstalater (sa VKV) u Sektoru za tehničke poslove - Služba mašinstva** trebaju ispunjavati sljedeće posebne uslove:

- da imaju VKV - mašinski smjer.

Kandidati koji se prijavljuju **na radno mjesto pod rednim brojem 4. Vodoinstalater (sa KV) u Sektoru za tehničke poslove - Služba mašinstva** trebaju ispunjavati sljedeće posebne uslove:

- da imaju KV - mašinski smjer.

Kandidati koji se prijavljuju **na radno mjesto pod rednim brojem 5. Kuhar u Sektoru za tehničke poslove - Servis za ishranu** trebaju ispunjavati sljedeće posebne uslove:

- da imaju KV - kuhar.

Kandidati koji se prijavljuju **na radno mjesto pod rednim brojem 6., 7., 9., 10. i 11.,** trebaju ispunjavati sljedeće posebne uslove:

- osnovna škola,
- higijenski minimum.

Kandidati koji se prijavljuju **na radno mjesto pod rednim brojem 8. Pomoćni radnik u Sektoru za tehničke poslove - Služba za investicije i investiciono održavanje** trebaju ispunjavati sljedeće posebne uslove:

- osnovna škola.

Ispunjenost općih i posebnih uslova Javnog oglasa računa se danom predaje prijave na Javni oglas.

V

Prilikom prijave na Javni oglas, kandidati su obavezni dostaviti uredno potpisanu prijavu i uz istu priložiti sljedeću dokumentaciju kao dokaz o ispunjavanju općih i posebnih uslova:

- izvod iz matične knjige rođenih,
- uvjerenje o državljanstvu (ne starije od šest mjeseci),
- PBA-3 obrazac,

- diplomu o završenom fakultetu za radno mjesto pod rednim brojem 1. Doktor medicine - specijalista na Klinici za invazivnu kardiologiju - Odjeljenje za interventnu kardiologiju,
- uvjerenje o položenom specijalističkom ispitu za radno mjesto pod rednim brojem 1. Doktor medicine - specijalista na Klinici za invazivnu kardiologiju - Odjeljenje za interventnu kardiologiju,
- diplomu o završenoj srednjoj medicinskoj školi za radno mjesto pod rednim brojem 2. Laboratorijski tehničar na Poliklinici za laboratorijsku dijagnostiku - Odjeljenje za kliničku imunologiju,
- uvjerenje o položenom stručno ispitu za radno mjesto pod rednim brojem 2. Laboratorijski tehničar na Poliklinici za laboratorijsku dijagnostiku - Odjeljenje za kliničku imunologiju,
- važeću licencu za samostalan rad izdatu od strane nadležne komore za radna mjesta pod rednim brojem 1. i 2.
- diplomu o završenom V stepenu stručne spreme za radno mjesto pod rednim brojem 3. Vodoinstalater (sa VKV) u Sektoru za tehničke poslove - Služba mašinstva,
- diplomu o završenom III stepenu stručne spreme za radna mjesta pod rednim brojem 4. i 5.,
- svjedočanstvo o završenoj osnovnoj školi za radna mjesta pod rednim brojem 6., 7., 8., 9., 10. i 11.

Radi bodovanja i rangiranja kandidata u skladu sa Pravilnikom o postupku prijema u radni odnos u JZU UKC Tuzla, kandidati uz prijavu trebaju dostaviti i sljedeće dokumente:

- uvjerenje o prosjeku ocjena tokom studiranja za radno mjesto pod rednim brojem 1. Doktor medicine - specijalista na Klinici za invazivnu kardiologiju - Odjeljenje za interventnu kardiologiju,
- uvjerenje o dužini trajanja studija za radno mjesto pod rednim brojem 1. Doktor medicine - specijalista na Klinici za invazivnu kardiologiju - Odjeljenje za interventnu kardiologiju,
- uvjerenje o prosjeku ocjena tokom školovanja za V stepen stručne spreme za radno mjesto pod rednim brojem 3. Vodoinstalater (sa VKV) u Sektoru za tehničke poslove – Služba mašinstva,
- uvjerenje o prosjeku ocjena tokom školovanja za radna mjesta pod rednim brojem 2. 4. i 5.,
- uvjerenje o prosječnoj ocjeni u završnom razredu osnovne škole za radna mjesta pod rednim brojem 6., 7., 8., 9., 10 i 11.,
- uvjerenje o radnom iskustvu na istim ili sličnim poslovima za sva radna mjesta.

Uvjerenje poslodavca kod kojeg je kandidat radio ili radi mora biti precizno i detaljno, te sadržavati sve bitne elemente koji nedvosmisleno ukazuju na traženo radno iskustvo, a prije svega podatke o tome na kojim je poslovima kandidat radio - naziv radnog mjesta, zahtijevanu stručnu spremu za obavljanje posla konkretnog radnog mjesta, koliko dugo je obavljao navedene poslove, sa jasno preciziranim periodom radnog angažovanja. Ukoliko kandidat dostavlja uvjerenje o činjenicama iz matične evidencije nadležnog organa za penzijsko i invalidsko osiguranje (listing)/Porezne uprave, uz isto je obavezan dostaviti i potvrdu koja razjašnjava šifre zanimanja iz uvjerenja (listinga), kako bi se moglo nesporno utvrditi na kojim poslovima je kandidat radio.

Kandidati koji ostvaruju pravo na prioritet pri zapošljavanju u skladu sa Zakonom o dopunskim pravima branilaca i članova njihovih porodica ("Službene novine Tuzlanskog kantona", broj: 10/20 - drugi prečišćeni tekst, 14/22, 9/23, 05/24, 13/24 i 3/26) i Pravilnikom o jedinstvenim kriterijima i pravilima za zapošljavanje branilaca i članova njihovih porodica u institucijama Tuzlanskog kantona („Službene novine Tuzlanskog kantona“, broj: 9/14 i 6/15), bodove po ovom kriteriju mogu ostvariti samo ako uz prijavu dostave i dokaz da se nalaze na evidenciji Službe za zapošljavanje kao nezaposlene osobe (ne stariji od mjesec dana od dana raspisivanja Javnog oglasa), te dokaz kojim se dokazuje status branilaca i članova njihovih porodica - ne stariji od mjesec dana od dana raspisivanja Javnog oglasa (isključivo dokument sa Popisa dokumentacije kojom se dokazuje status branilaca i članova njihovih porodica, koji je Prilog Pravilniku o jedinstvenim kriterijima i pravilima za zapošljavanje branilaca i članova njihovih porodica u institucijama Tuzlanskog kantona), te ovjerenu izjavu da im radni odnos, zasnovan po osnovu ranije ostvarenog prioriteta pri zapošljavanju, nije prestao njihovom krivicom ili da po prestanku radnog odnosa nisu ostvarili pravo na otpremninu, odnosno da nisu korisnici prava na porodičnu penziju (ne stariju od mjesec dana od dana raspisivanja Javnog oglasa).

Popis dokumentacije kojom se dokazuje status branilaca i članova njihovih porodica kandidati mogu pronaći na web stranici JZU UKC Tuzla (www.ukctuzla.ba), sekcija „Konkursi i oglasi“.

Kandidati koji po nekom drugom posebnom zakonu imaju prioritet u zapošljavanju, uz prijavu trebaju dostaviti i odgovarajuću dokumentaciju kojom se to dokazuje, te se pozvati na poseban zakon po kojem imaju prednost.

VI

Kriteriji za rangiranje kandidata:

U postupku prijema u radni odnos rangiranje kandidata koji se prijave na Javni oglas vrši se po sljedećim kriterijima:

- uspjeh tokom studiranja za radno mjesto pod rednim brojem 1. Doktor medicine - specijalista na Klinici za invazivnu kardiologiju - Odjeljenje za interventnu kardiologiju,
- dužina trajanja studija za radno mjesto pod rednim brojem 1. Doktor medicine - specijalista na Klinici za invazivnu kardiologiju - Odjeljenje za interventnu kardiologiju,
- uspjeh tokom školovanja za radna mjesta pod rednim brojem 2., 3., 4. i 5.,
- uspjeh u završnom razredu osnovne škole za radna mjesta pod rednim brojem 6., 7., 8., 9., 10. i 11.,
- prethodno radno iskustvo,
- provjera znanja, radnih i stručnih sposobnosti i vještina putem pismenog i usmenog ispita za radna mjesta pod rednim brojem 1., 2., 3., 4. i 5.,
- provjera znanja, radnih i stručnih sposobnosti i vještina putem usmenog ispita za radna mjesta pod rednim brojem 6., 7., 8., 9., 10. i 11.,
- bodovi koje kandidati ostvare u skladu sa Zakonom o dopunskim pravima branilaca i članova njihovih porodica i

Pravilnikom o jedinstvenim kriterijima i pravilima za zapošljavanje branilaca i članova njihovih porodica u institucijama Tuzlanskog kantona.

Broj bodova koje kandidat dobija po osnovu uspjeha tokom studiranja **za radno mjesto pod rednim brojem 1. Doktor medicine - specijalista na Klinici za invazivnu kardiologiju - Odjeljenje za interventnu kardiologiju**, jednak je prosječnoj ocjeni kandidata u toku studiranja, na dvije decimale bez zaokruživanja. Maksimalni broj bodova koji kandidat može dobiti po osnovu uspjeha tokom studiranja je 10.

Broj bodova koje kandidat dobija po osnovu dužine trajanja studija **za radno mjesto pod rednim brojem 1. Doktor medicine - specijalista na Klinici za invazivnu kardiologiju - Odjeljenje za interventnu kardiologiju**, jednak je broju godina koliko traje redovan studij kojim se stiče stepen stručne spreme i zvanje koje je uslov za zasnivanje radnog odnosa na konkretnom radnom mjestu. Za svaku godinu produžetka studija, kandidatu se oduzima po jedan bod od maksimalnog broja bodova.

Broj bodova koje kandidat dobija po osnovu uspjeha tokom školovanja **za radna mjesta pod rednim brojem 2., 3., 4. i 5.** jednak je prosječnoj ocjeni kandidata u toku školovanja, na dvije decimale bez zaokruživanja, pomnoženoj sa 2. Maksimalni broj bodova koji kandidat može dobiti po osnovu uspjeha tokom školovanja je 10.

Broj bodova koje kandidat dobija po osnovu uspjeha u završnom razredu osnovne škole **za radna mjesta pod rednim brojem 6., 7., 8., 9., 10. i 11.**, jednak je prosječnoj ocjeni kandidata u završnom razredu osnovne škole, na dvije decimale bez zaokruživanja, pomnoženoj sa 2. Maksimalni broj bodova koji kandidat može dobiti po osnovu uspjeha u završnom razredu osnovne škole je 10.

Po osnovu prethodnog radnog iskustva, kandidat za svaki navršeni mjesec rada na istim ili sličnim poslovima dobija 0,10 bodova. Maksimalni broj bodova koji kandidat može dobiti po osnovu prethodnog radnog iskustva je 5.

Pismeni ispit kandidata **za radna mjesta pod rednim brojem 1., 2., 3., 4. i 5.**, biće proveden u vidu testa koji će se sastojati od 10 pitanja. Svaki tačan odgovor na pitanje ocjenjuje se sa jednim bodom. Kandidati koji na pismenom ispitu ostvare najmanje 70% od ukupnog broja bodova stiču pravo da pristupe na usmeni ispit. Kandidati koji na pismenom ispitu ostvare manje od 70% od ukupnog broja bodova isključuju se iz dalje procedure prijema u radni odnos.

Na usmenom ispitu **za sva radna mjesta**, svaki član komisije će ocjenjivati kandidata dodjeljujući mu određeni broj bodova između jedan i pet. Ukupnu ocjenu kandidata na usmenom ispitu će činiti zbir bodova datih od strane svakog člana komisije.

Kandidati koji se prijavljuju na radno mjesto pod rednim brojem **1. Doktor medicine - specijalista na Klinici za invazivnu kardiologiju - Odjeljenje za interventnu kardiologiju**, a imaju subspecijalizaciju iz kardiologije, dokaz o naučno/nastavnom zvanju i znanju jednog svjetskog jezika, trebaju uz prijavu dostaviti dokaz, kako bi ostvarili prednost pod jednakim uslovima.

Ukoliko je dokaz o poznavanju stranog jezika izdat na stranom jeziku, kandidati su dužni uz dokaz o poznavanju stranog jezika dostaviti i prevod dokaza na jedan od jezika u službenoj upotrebi u BiH ovjeren od strane sudskog tumača.

Bodovi po osnovu pripadnosti nekoj od kategorija branilaca i članova njihovih porodica će se dodjeljivati u skladu sa Zakonom o dopunskim pravima branilaca i članova njihovih porodica i Pravilnikom o jedinstvenim kriterijima i pravilima za zapošljavanje branilaca i članova njihovih porodica u institucijama Tuzlanskog kantona.

VII

Prijave sa traženim dokumentima, kandidati dostavljaju u zatvorenoj koverti lično na protokol JZU UKC Tuzla ili putem pošte na adresu:

**Javna zdravstvena ustanova Univerzitetski klinički centar Tuzla
Sektor za pravne poslove i ljudske resurse
Ul. Trnovac bb
75000 Tuzla
sa naznakom:**

“Prijava na Javni oglas za prijem radnika u radni odnos na neodređeno vrijeme na radno mjesto: _____ – NE OTVARAJ!”

VIII

Rok za prijavu kandidata na Javni oglas je osam dana od dana objavljivanja.

Svi dokumenti koji se dostavljaju uz prijavu na Javni oglas moraju biti u originalu ili ovjerenoj fotokopiji.

Blagovremenom prijavom smatra se prijava koja je podnesena u roku koji je određen u Javnom oglasu.

Urednom prijavom na Javni oglas smatra se prijava koja je svojeručno potpisana od strane podnosioca i u kojoj je jasno navedeno za koje radno mjesto se podnosilac prijavljuje.

Potpunom prijavom smatra se prijava uz koju su priloženi svi dokazi o ispunjavanju općih i posebnih uslova naznačeni u Javnom oglasu.

Ukoliko se kandidat prijavljuje na više radnih mjesta, dužan je dostaviti odvojene prijave za svako radno mjesto na koje se prijavljuje i uz svaku prijavu dostaviti ovjerene fotokopije traženih dokumenata. Neblagovremene, neuredne i nepotpune prijave neće se uzimati u razmatranje.

Komisija za izbor kandidata za prijem u radni odnos će pisanim putem obavijestiti kandidate **za radna mjesta pod rednim brojem 1., 2., 3., 4. i 5.,** čije su prijave blagovremene, uredne i potpune, o terminu polaganja pismenog ispita. Kandidati koji na pismenom ispitu ostvare manje od 70% od ukupnog broja bodova isključuju se iz dalje procedure prijema u radni odnos.

Komisija za izbor kandidata za prijem u radni odnos će pisanim putem obavijestiti kandidate **za radna mjesta pod rednim brojem 6., 7., 8., 9., 10. i 11.,** čije su prijave blagovremene, uredne i potpune, o terminu usmenog ispita.

Izabrani kandidati za sva radna mjesta će biti u obavezi da, najkasnije u roku od osam dana od dana konačnosti odluke o prijemu u radni odnos, dostave ljekarsko uvjerenje kao dokaz da njihovo zdravstveno stanje i psihofizičke sposobnosti odgovaraju uslovima radnih mjesta za koja su izabrani.

Izabrani kandidati **za radna mjesta pod rednim brojem 6., 7., 9., 10. i 11.** će, po konačnosti odluke o prijemu u radni odnos, biti dužni završiti kurs higijenskog minimuma i u ostavljenom roku dostaviti dokaz o završenom kursu.

JZU UKC Tuzla nema obavezu vraćanja dokumentacije kandidatima.